


Documental interesante riba 'Lago Hospital'




ORANJESTAD (AAN): Un proyecto di ARUBA pa ARUBA. E proyecto aki ta parti di e historia y educacion cultural di Aruba cu lo contribui na cultura di Aruba cu substancia y ta dedica na comunidad di Aruba

E refineria 'Lago' tabata tin un impacto grandi riba e comunidad di Aruba cu nos ta wak awe ainda. Mayoria biaha e memorianan di e refineria y su hospital ta wordo discuti cu gran placer. Hopi localnan cu a traha na e refineria aki a gosa di e privilegionan cu saki a trece c'una, manera entre otro e comisario, e shopping center, e Colony, sportpark y

tambe e hospital.

Durante e periodo cu e refineria 'Lago' tabata na Aruba tabata tin asta hopi hende di afo cu a bin biba na Aruba. Miles di famianan tambe tabata uza e hospital den e temporada aki como nan hospital preferi.

Den e documental aki, ta recorda e hospital di 'Lago' y nos ta laga diferente persona conta



nan experiencia. Algun di e personanan aki a nace na e hospital aki y par a hasta traha na e hospital aki. Como un di e prome hospitalnan acredita na Aruba, E 'Lago' hospital a hunga un rol grandi den nos comunidad.

E documental aki ta traha door di LIROCHA Media y a wordo haci posibel cu ayudo di 'Prins Bernhard Cultuurfonds Caribisch Gebied' y por wordo mira GRATIS riba e link kinan. www.bit.ly/lagohospital